山庫全幸

史部

欽定四庫全書

郡務讀書志卷四上至

史部

詳校官侍講學士臣法式善

編修臣程嘉謨覆勘

總校官檢討 何思釣 校對官中書 臣宋初遠 腾绿監生 李汝誠

緊諸聖而英辯藻思問麗演逸發於忠正 蔚然為百代 久己日日から 於斯矣然軟轍不同機存亦異各名一家之言學者欲 别集殺多復分為上中下者屈原作離縣雖說請不 其類有三 Charles Company of the Company of th H な過程が正式的関節 日楚辭類二日别集類三日總集類 都衛衛書志 自時厥後綴文者接踵 晁公武 撰.

幾希此無他凡以其虚辭濫說徒為美觀而已無益 然賤生於無所用或其傳不能廣值水火兵寇之厄因 總集蕭統所選是也至唐亦且七十五家嗚呼威矣 會自詩賦以下彙分之曰文章流別後世祖述之而 而散落者十八九亦有長編鉅軸幸而得存其屬目 於有唐至七百餘家當晉之時擊虞已患其凌雜難 於式馬故別而聚之命之為集益其原起於東京而 用故也今録漢迄唐附以五代本朝作者其數亦甚衆 為 觀

其無用亦有用也是以不加銓擇馬 欠正日日日 濫說如上所陳者知其終當泯泯無聞循可以自警則 其問格言偉論可以扶持世教者為益固多至於虚解 後漢校書郎王逸叔師注楚屈原名平為懷王左徒博 平自傷忠而被誇乃作離騷經以祖不見省納及襄 聞强識嫻於解令後同列心害其能而聽之王怒疏平 楚辭類 楚辭十七卷 即衛衛書志

金万正天 時命王褒作九懷劉向作九數皆擬其文而哀平之死 惜 立又放之江南復作九歌天問九章遠游上居漁父大 十六卷章句又續為九思取班因二序附之為十七篇 闕而不說至逸自以為南陽人與原同土悼傷之復作 於忠王漢武時淮南王安始作離縣傳劉向典校經書 抬自沉汨羅以死其後楚宋玉作九辨抬魂漢賈誼作 分為十六卷東京班固賈達各作離縣章句餘十五卷 誓淮南王小山作招隱士東方朔作七諫嚴忌作

次产四車全島 一門 益近之其卷後有蔣之翰跋云晁美叔家本也 抬為原辭可疑也夫以抬魂為義恐非自作或曰景差 禮魂何以系九歌之末又不可合十一 魂在九歌之外為十 九章九歌又十八則原賦存者二十四篇耳并國殤禮 按漢書志屈原賦二十五篇今起離縣經至大招凡六 詳撰人其篇次不與世行本同益以離縣經九辯 楚辭釋文一卷 郡商讀書志 則溢而為二十六篇不知國殤 為九然則 Ξ 調大

數哀時命惜誓大招九思為次按今九章第四九辯第 歌天問九章遠游上居漁父招隱士抬魂九懷七諫九 之所為也 本也後人始以作者先後次第之爾或曰天聖中陳說 水叔蘇子瞻見文元宋景文家本恭校之遂為定本又 ,詳撰人凡王逸章句有未盡者補之自序云以歐陽 而王逸九章注云皆解於九辯中知釋文篇第益舊 補注楚解十七卷考異一卷

得姚廷輝本作考異且言辯賢非楚辭本書不當録 右族父吏部公重編獨離縣經仍故為首篇其後以遠 重編楚解十六卷

哀時命抬隱九懷九歎為次而去九思一篇其說曰按 游九章九歌天問卜居漁父大招九辯招魂惜誓七諫 餘皆曰楚辭今本所第篇或不次序於是遷遠游九章 八卷屈原遭憂所作故首篇曰離騷經後篇皆曰離骚

次定四年全書

次離驗經在九歌上以原自序其意近離騷經也而九

即衛持 占志

作故其次序如此皆西漢以前文也為楚解下八卷王 當先朔忌王褒漢宣帝時人後淮南小山王劉向最後 葢近之東方朔嚴忌皆漢武帝廷臣淮南小山之辭 父自序之餘意也故又次之大拍古與疑原作非景差 歌天問乃原既放之後攄憤所作者故遷於下小居漁 逸東漢人九思視向以前所作相濶矣又十七卷非往 玉或曰九辯原作其聲浮矣惜誓弘深或以為賈誼作 辭沈淵不返故以終馬為楚辭上八卷九辯招魂皆宋

次定四事全 録故去之又頗剛逸離驗經訓釋淺陋者而録司馬遷 徐其步骤而與之偕然亦暇而不與也 玉以下至本朝王令凡二十六人計六十篇各為小序 右族父吏部公編擇後世文賦與楚辭類者編之自宋 原傳冠其首云 冠其首而最喜沈括以為辭近原益深探其用意疾 愛離骚二十卷 續楚辭二十卷 1 即爾清書心 £

意祖述離騷或一言似之者為一編其意謂原之作曰 離縣餘皆曰楚解今楚解又變而廼始曰變離縣者欲 右族父吏部公編公既集續楚辭又擇其餘文賦或大 楚荀卿王本朝王令凡三十八人通九十六首 後世知其出於原也循服盡而系其姓於祖云所録自 右漢蔡邕伯喈陳留圉人仕王左中郎將後為王允所 别集類上 蔡邕集十卷

害邑博學好解章術數天文妙操音律在東觀欲補漢 或死非其理亦附見餘歷官與其善惡率不録若史途 所著文章百四篇今録止存九十篇而銘墓居其半或 其行事者則雜取他書詳載馬庶後有考 自有傳者止擬論其文學之辭及畧載鄉里所終爵位 郭有道碑獨無愧辭則其他可知矣凡文集其人正史 日碑或日銘或日神誥或日哀讃其實一也當自云為 紀自陳十意及付獄乞點則以成書不能得遂死獄中 7 7 ... 1.1. 邪齊衛書志

豹定匹库全書 卷 所著賦頌詩銘雜論凡百餘篇今集僅二百篇通為 文援筆立成自少至終篇籍不離於手景初中撰録植 右魏曹植子建也太祖子文帝封植為陳王卒年四十 右後漢王粲仲宣也高平人為魏國侍中粲博物多識 諡曰思年十餘歲誦讀詩論及醉賦數十萬言善屬 曹植集一卷 王粲集八卷

こうこ 莊老屬文不留思啥酒能嘯善彈琴當其得意忽忘形 右魏阮籍嗣宗也尉氏人籍志氣宏放博覽羣籍尤好 有八十一首按唐藝文志粲集十卷今亡兩卷其詩文 强記善屬文舉筆便成無所改定時人常以為宿製然 反多於史所記二十餘篇不曉其故 正復精意覃思亦不能加著詩賦論議垂六十篇今集 雖不拘禮教而發言立遠晉帝輔政為從事中郎 1.41 阮籍集十卷 即齊讀書志

多安四母全書 黨謀害之華學業優博辭藻溫麗圖緯方伎等書莫不 求為步兵校尉 宗室婚拜中散大夫景元初鍾會語於晉文帝遇害 右晉張華茂先也范陽人惠帝時為司空趙王倫孫秀 白藻烯學不師授博覽該通長好莊老屬文玄遠以魏 右魏嵇康叔夜譙國人康美詞氣有風儀土木形骸不 張華集三卷 嵇康集十卷

右晉陸機士衡也抗之子少有異才文章冠世伏府儒 詳覽家有書三十乗天下竒秘悉在博物洽聞世無與 末入洛成都王顏令機率師伐長沙王人至河橋大敗 比集有詩一百二十哀詞册文二十一賦三 之為才常恨才少而子更患多萬洪著書亦稱數馬所 術非禮不動具滅退居舊里閉門勤學積有十年太康 シーラー ノニー 明 郎南治書志 顏所誅初造張華華重其名如舊相識當謂之曰人 陸機集十卷

書十篇 彭定四母全書 著文章凡三百餘篇今存詩賦論議箋表碑誄一百七 右晉陸雲士龍也具郡人惠帝時為中書侍郎會兄機 雖文章不及而持論過之所著文章三百四十九篇新 兵敗同遇害雲六歲能屬文性清正有才理與兄齊名 十餘首以晉書文選較正外餘多舛誤 陸雲集十卷 陶潛集十卷 巷四上

彭澤令去職潛少有馬趣好讀書不求甚解著五柳先 異按隋經籍志潛集九卷又云梁有五卷録一卷唐藝 生傳以自况世號崝節先生今集有數本七卷者梁蕭 右晉陶潛淵明也潯陽人晉宋史皆有傳晉安帝時為 有潛集十卷疑即休之本也休之本出宋庠家云江左 文志潛集五卷今本皆不與二志同獨吳氏西齊書目 以五孝傳聖賢羣輔録序傳誄分三卷益之詩篇次差 統編以序傳顏延之誄載卷首十卷者北齊陽休之編 郑新行告忘

多定匹庫全書 時謂照才盡實不然也事見沈約書而李延壽史乃以 舊書其次第最有倫貫獨四八目後八儒三墨二條似 好文自謂人莫能及故照悟其古為文多都言果句當 王子項鎮荆州照為然軍子項敗為亂兵所殺初孝武 右宋鮑照明遠也上黨人世祖以為中書舍人後臨海 後人妄加 世祖為文帝集有唐虞炎序云為宋景所害儻見於他 鮑照集十卷

太守東昏時為江祐黨群害之眺少好學有美名文章 書乎唐人避武后諱改照為胎 右宋謝惠連也方明子元嘉七年為彭城王法曹行然 也文選所録朓詩僅二十首集中多不載今附 清麗善草禄尤長五言詩沈約當云二百年來無此詩 右齊謝脫立暉也陽夏人明帝初自中書郎出為東海 謝朓集十卷 謝惠連集五卷

欽定四庫全書 事效之謂吳均體有集二十卷唐世搜求止得十卷文 新文曰張華重生不能易也 雲贈吳朝請入東詩益在武帝時為奉朝請則 中有贈周與嗣柳貞陽董詩固已知其非筠又有蕭子 亡其七矣舊題誤曰吳筠筠乃唐人此詩殊不類而其 右梁呉均叔宰也史稱均博學才俊體清拔有古氣好 軍十歲能屬丈為雪賦以高麗見奇族兄靈運每見其 吳均集三卷 1 引爾讀 書志 右梁何遜仲言也東海人終水部員外即遜少能詩 右梁江淹文通也濟陽人梁初為散騎常侍封醴陵侯 盡著述百餘篇自撰為前後集令集二百四十九篇 少好學不事章句留情於文章晚節才思微退人謂 也無疑矣蕭子雲詩八蕭子顯朱异平均王僧孺詩各 附顏之推識均集中有破鏡賦今亦亡之 何遜集二卷 江淹集十卷

欽定四庫全書 舉秀才范雲見其文嗟賞曰觀文人質則過懦麗則傷 右周庾信子山也南陽人梁元帝時為散騎常侍聘西 王僧孺集其文為八卷今亡逸不全 三復循不能已與劉孝綽以文章見重於世謂之何劉 俗能含清濁古今見之何生矣沈約謂每讀卿詩一 魏遂留長安孝閔時終司憲大夫信在梁與徐陵文並 麗世號徐庾體集有滕王迫序 庾信集二十卷 **卷四上** L)

右唐王續無功也龍門人隋大業中樂孝悌康察授六 右唐楊炯也華陰人顯慶六年舉神童授校書郎終 庾信也且載其卜筮之驗者數事云 以為神仙童子薛道銜見其登龍門憶禹賦數曰今之 才序稱其幼歧嶷年十五謁楊素占對英辯一坐盡 合丞葉官耕東皐自號東皐子唐書以為隱逸集有日 楊 王績東皐子五卷 **炯盈川集二十卷** 傾

ン・フ・レー

鄭衛衛出志

+

高等授朝散郎沛王召署府修撰以戲為諸王作關 檄高宗怒斥出府父為交趾令勃往省渦海卒勃屬文 右唐王勃子安也通之孫麟德初劉祥道薦其材對策 竭恥王後信然愧盧前謙也集本三十卷今多亡逸 吾恨在盧前恥居王後張說曰盈川文如懸河酌之不 文詞齊名海內稱王楊盧縣四才子亦曰四傑炯自 動定四府全書 盈川令卒炯博學善屬文與王勃盧照隣縣實王以 王勃集二十卷 **送四上** 開

アノア フラー ノステ 初不精思先磨墨數升酌飲引被覆面卧及寤接筆成 右唐盧照隣昇之也范陽人調新都尉病去官隱具炎 宗時尚吏已獨儒武后尚法已獨黄老后封嵩山聘賢 山下手足擊廢疾久訣親戚自沈顏水照隣自以當高 篇不易一字時人謂之腹羹有劉元濟序 士已已廢著五悲文今在集中當自號幽憂子 **鹰照跸幽憂子集十卷** 船宾王集十卷 部衛讀書志 主

妙於五言詩中宗韶求其文得百餘篇命郑雲卿次序 問逢之於靈隱寺已祝髮為浮屠矣實王七歲能屬文 右唐縣賓王也義烏人武后時數言事得罪貶臨海丞 天下斤武后罪后讀之矍然及敗亡不知所之後宋之 右唐蘇題廷碩也武功人調露二年進士賢良方正異, 不得志棄官去文明中徐敬業亂署府佐為敬業傳檄 蘇題許公集二十卷

多定四届全書

等除左司率府胄曹立宗時中書舍人知制語開元四 半矣 龍後與張說以文章顯時號熊許李德裕謂近世部語 年同紫微黄門平章事頭幼敏悟一覽五千言報覆景 . . . 累推拾遺聖歷初解官歸養父喪爐墓縣令段簡貪暴 右唐陳子昂伯玉也梓州人文明初舉進士上書召見 題敘事外為文章韓休為序集本四十六卷今亡其 陳子吊集十卷 即衛衛昌志

章承徐庾餘風天下祖尚王是始變雅正故雖無風節 右唐宋之問延清也汾州人武后召與楊炯分直習藝 比與而莫能極張九齡以比與之暇窮著述而不克備 而唐之名人無不推之柳儀曹曰張說以著述之餘攻 齊取其賂不厭逮捕死獄中子昂少以豪俠使氣及冠 **唐與以來稱是選而不怍者子昂而已** 折節為學精究墳籍耽愛黃老易象尤善屬文唐與文 宋之問考功集十卷

叙定匹库全書

Ŀ

右唐沈佺期雲卿也相州人及進士第由協律郎遷 附屬對精密及之問沈佺期又加靡麗回忌聲病約句 準篇如錦繡成文學者宗之號曰沈宋徐堅當論之問 自 之文如良金美玉無施不可其為當時所重如此 魏建安迄江左詩律屡變至沈約庾信以音韻相 謟事太平公主為考功員外郎齊宗初貶欽州賜死 館直學士常侍中宗宴舞回波為弄解以忧帝還 沈佺期集五卷 即衛精書志 £ 婉

多定匹库全書 牙緋 蘇味道為文章四友集有詩四十餘篇而已 以傲世當對武后賦歡喜詩后歎重其文學李嶠崔融 右唐杜審言必簡也襄陽人預之後裔擢進士恃萬才 累遷鳳閣舍人睿宗時兵部侍郎平章事開元十 右磨張說道濟也洛陽人永昌元年賢良方正策第 張說集三十卷 杜審言集一卷 卷四上

御史武后時同風閣鸞臺平章事婚富才思前與王勃 仕一歲皆即軍中於家論誤國史晚該岳州詩益悽悅 多出其手當典集賢圖書之任問為天平軍大使及致 終左丞相燕國公說為文精壯長於碑志朝廷大述作 右唇李崎巨山也贊皇人握進士第制策甲科為監察 人謂得江山助 炯中與在融蘇味道齊名晚諸人沒為文章宿老學 李崎集一卷

女三日日上日

部商請書志

,以道侔伊吕科策髙等為左拾遺開元中為中書令卒 題口單題詩有張方注 者取法集本六十卷未見今所録一百二十部而已或 諡文獻九齡風度沒籍切善屬文立宗朝知制語雅 右唐張九齡子壽也曲江人長安二年進士調校書郎 許其勝流徐堅論九齡之丈如輕嫌素練實濟時用 知為相諤諤有大臣節及貶荆州惟文史自與朝 張九齡曲江集二十卷 為

次定写事全書 一 窘邊幅柳宗元以九齡兼攻詩文但不能究其極耳集 右磨王維摩詰也太原人開元九年進士終尚書右丞 **浩撰墓碑及贈司徒勃詞** 後有姚子彦所撰行狀日溫撰真贊鄭宗珍撰諡議徐 文章於弟縉裒集十卷上之李肇記維漠漠水田飛白 大宴凝碧池賦詩痛悼詩聞行在後得免死代宗訪維 維幻能屬文工草隸善畫名盛安禄山反當陷賊中賊 王維集十卷 即衛請書志

從安禄山偽署賊平貶死 集無之豈肇之厚誣乎 驚陰陰夏木轉黃鸝之句以為竊李嘉祐者今嘉祐之 郎又中宏詞不護細行貶龍標尉以世亂歸鄉里為刺 右唐王昌齡少伯也江寧人開元十五年進士為秘書 右唐儲光義魯人開元十四年進士當為監察御史後 王昌齡詩六卷 儲光義集五卷 卷匹

右唐常建開元十五年進士 右唐劉長卿字文房開元二十一年進士至徳中監察 史問丘曉所殺昌齡工詩鎮密而思清時謂王江寧 使留後觀察使具仲孺誣奏貶潘州南巴尉會有為辨 御史以檢校祠部員外為轉運判官知淮西岳彩轉 之者除睦州司馬終隨州刺史長卿剛而犯上故兩逢 常建詩一 劉長卿集十卷 卷 即蘇讀書志 運

多定四库全書 右唐顏真卿清臣也萬年人博學工辭章開元二十二 李希烈廢斥者七八以至於死而不自悔天下一人 世謂真卿忤楊國忠李輔國元載楊炎盧紀拒安禄山 年進士又登制科代宗時為太子太師使李希烈遇害 斥廢詩雖寫於才面能鍛鍊權德與當謂為五言長城 今集詩九卷雜文一卷)而學問文章往往雜神仙浮屠之說不皆合於理 顏真卿文一卷 巷四上

右唐蕭顏士茂挺也梁宗室之後開元二十三年進士 所為乃爾者益天性然也 蕭穎士集十卷

為史館待制安禄山反竄山南節度崔圖授揚州工曹 至官信宿而去客死汝南逆旅門人諡曰文元先生顏

屬文觀書一 一覽即誦通百家譜系書籍當教授濮

額士文章以為間蕭氏之風者童子盖稱曹陸 時號蕭夫子李林用惡不附已故數罷去問士和威 とこうら たまち 即齊讀書志 札

推

游京師 金分四周百章 漢 右唐張鷟字文成辞章藻麗當入中制科此乃其書 右唐孟浩然也襄陽人工五言詩隱鹿門山年四十 人禁林遇立宗臨幸浩然匿牀下維以開上曰素 陳雨滴 孟浩然詩一卷 百首自號浮休子 張舊龍筋鳳髓判十卷 日諸名士集秘省聯句浩然 梧桐泉皆飲伏張九齡王維 卷四 上 雅稱之維 句曰微雲淡 私 開 邀 河

求進而誣朕棄人命放歸所著詩二百一十首宜城處 老經頌等八篇序為三卷 自號中黃子當時命太子侍文吕向訪遗之於家得訓 右唇嚴從開元中為著作即春官侍讀集賢院學士卒 士王士源序次為三卷今併為一又有天寶中章紹序 人因召見命自誦所為詩至不才明主棄之句上曰不 嚴從中黃子集三卷 李翰林集二十卷

次之四軍全書

1

郡齊諭書志

為 卧廬山廹致之璘敗坐繋尋陽街崔浜宋若思驗治白 右唐李白太白也白舊集十卷唐季陽冰序咸平中樂 之不合去安禄山及明皇在蜀永王璘節度東南白時 之云白蜀郡人天寶初至長安明皇召為翰林供奉項 白詩又裒唐類詩泊刻石所傳者通李陽冰樂史集共 別集十卷宋次道治平中得王文獻及唐魏萬所纂 別得白歌詩十卷凡歌詩七百七十六篇又秦雜著 一篇雜著六十五篇曾子固乃考其先後而次第

以為罪薄釋白囚使謀其軍乾元元年終以汙璘事長 盡信而以為史誤近蜀本又附入左縣邑人所裒曰白 於白之自序益史誤也子按杜甫詩亦以白為山東人 詔又稱白在宣城謁見永王璘遂辟為從事而新書又 流夜郎以赦得釋過當塗以卒其始終更涉如此此白 而蘇子瞻當恨白集為庸俗所亂則白之自序亦未可 稱白流夜郎還潯陽坐事下獄宋若思釋之者皆不合 詩書所自序可考者也舊史稱白山東人為翰林待

欠正日事 江島

部衛衛書志

真偽也 荡馬偉飄然有超世之心非常人所及讀者自可別其 侍御史罷終於蜀參博覽史籍尤工級文屬詞清尚用 右唐岑麥南陽人文本之後天寶三年進士界官補闕 隱處少年所作六十篇尤為淺俗白天才英麗其醉逸 金ケロガノー 起居郎出嘉州刺史杜鴻漸表置幕府為職方郎中兼 岑參集十卷 卷四 Ł

心良苦其有所得往往超拔孤秀度越常情每篇絕筆

TOTAL ALLAS 杜確序 正字袁台二州刺史善為詩綺靡婉麗有齊梁之風時 右唐李嘉祐别名從一趙州人天寶七年進士為秘書 論雅正住名早立時輩所仰可以俯獻替之官云集有 以比吳均何遜云 競傳鼠至徳中裴越薦杜甫等當薦其識度清遠議 李嘉祐詩二卷 髙適集十卷集外文二卷別詩一卷 都衛請書志 主

金切匹尼白電 自高每一篇出好事者報傳布云 卿 先天結命乃父為之今兹册命爾又為之兩朝大典出 起居舍人知制語從幸西川當誤傳位冊既進豪上曰 右唐賈至幻幾也洛陽人天寶十年以明經推第累官 科中第永泰中終散騎常侍五十始為詩即工以氣質 右唐高適達夫也又字仲武渤海人天寶八年舉有道 父子可謂繼美矣大歷中終散騎常侍集李邯鄲 賈至集十卷 卷四上

家本二十卷蘇弁編次常仲儒為序以墓銘序碑列於 制誥中除魏仲犀徐歸道詞亦以元免指禄山豈獨幼 殊不知曹子建責躬詩有曰元兇是率益自謂也今至 後今亡其半矣蘇子瞻當行出惠卿責詞有元兇在位 右唐錢起徵之父也吳即人天寶中舉進士初從鄉薦 為元兇耶世多疑子瞻失詞因表出之 /語仇人乃曰史唯宋太子幼謂之元兇因誣其指 錢起詩二卷 斥

ているいれ とる

郡商請書志

重

金定四周石書 錢郎 攝衣從之無所見矣及就試詩題乃湘靈鼓瑟也起 客舍月夜間人哦於庭曰曲終人不見江上數峰青起 右唐元結次山也後魏之裔天實十三年進士復舉制 授校書即終考功與郎士元齊名時曰前有沈宋後有 以鬼謠十字為落句主文李暉深嘉之擢置髙第釋褐 授右金吾兵曹累遷容管經晷使始在商餘山稱 元子十卷琦玕子一卷文編十卷 卷四 Pp

钦定四車全書 憂道問世之意逢天實之亂或隱自謂與聲牙豈獨其 **站於但耳而可尋玩在當時名出蕭李下王韓愈稱數** 行事而然其文詞亦如之然其辭義此約譬古鐘磬不 子逃難入琦玕洞稱琦玕子或稱浪士漁者稱為聲身 唐之文人獨及結云 右韓栩君平也南陽人天寶十三年進士淄青侯希 酒徒呼漫隻及官呼漫郎因以命其所著結性耿介有 韓树詩五卷 即衛衛書志

清官享廟及郊奏賦三篇使待制集賢院宰相試文再 舍人湖詩與致繁富朝野重之 宣武李勉繼群幕府俄以駕部即中知制語終於中書 還右衛率府胄曹終於劍南然謀檢校工部員外曠 右唐杜甫子美也審言之孫天寶十三年立宗朝獻太 十九卷 杜甫集二十卷集外詩一卷注杜甫詩二十卷 蔡與宗編杜甫詩二十卷趙次公注杜甫詩 五

字人不善之 以古律詩雜次第之且為之注兩人頗以意改定其誤 月近時有蔡與宗者再用年月編次之而趙次公者又 笑有托原叔名者其實非也品微仲在成都當譜其年 人憐其忠云集有王洙原叔王琪君玉序本朝自王原 李杜數當冠亂挺節無污為歌詩傷時撓弱情不忘君 叔以後學者喜杜詩世有為之注者數家率皆鄙淺 不自檢好論天下大事高而不切少與李白齊名時號

欠111日月八十日

郡蘇靖書志

主

多万巴尼 台重 為文以立憲誠世褒賢過惡為用長於論議唐實録稱 韓愈師其為文云集有李丹梁肅前後序末載崔祐甫 官自幼有成人之量編覽五經觀其大義不為章句學 科代宗初為太常博士豪舒二州刺史政最徒常州 右唇獨孤及王之也洛陽人天實十三年舉洞曉玄經 皇甫丹詩二卷 獨孤及毗陵集二十卷

こう!!!! 右唐皇甫冉茂政也丹陽人天實十五年進士為無錫 出收奉使若兩人無詩祖行人以為愧 刺史與錢起俱有詩名而士元尤更清雅時朝廷公卿 右唐郎士元字君胄中山人天實十五年進士為郢 云集有獨孤及序 尉歷拾遺補關卒與弟曾齊名當時比張氏景陽孟陽 顧況集二十卷 郎士元詩 . 郎齊請書志

多定匹库全書 詩句從賦僅十餘年矣今我后無運澤及四夷或復得 右唐陳蛻集有長安十五詠自序云蛇生長江淮間 及 為太平人也云云益肅代間人也 貶饒州司户卒集有皇甫冉詩序 詩性訴誻徳宗時柳渾輔政以秘書即召况素善李 右唐顧况字通公蘇州人至徳二年江東進士善為歌 泌相自謂當得達官久遷著作即及沙卒有調笑語 陳蛇詩一卷

舉進士不第 夏侯審李端皆能詩齊名號大歷十才子綸字九言累 右唐盧編與古中字韓翃錢起司空曙苗發崔峒耿漳 こうしい 右唐韋應物京兆人天寶時為三衞周逍遙公奠之後 右唐耿湋寶應元年進士為左拾遺 幸應物集十卷 耿湋詩二卷 盧綸詩一卷 1 郎新衛書き ĮĮ.

刺史性高潔鮮食寡欲所居焚香除地而坐詩律自沈 中任洛陽丞京兆府 宋以後日益靡漫變章刻句揣合浮切音韻諧婉屬 以還得其風格云 令 密而嫻 僕射扶陽公待賈生令儀令儀生鑾鑾生應物永 江州召還 稱疾解歸建中二年授比部即中守除 雅平淡之氣不在矣獨應物之 推左司郎中或娟其進媒藥之出為蘇 功曹大歷十四年自郭縣 ,詩馳驟建 州 居頃 制 除 機 泰 州

多定匹庫全書

苍四

次定四軍全書 右唐李益君虞也姑臧人大歷四年進士調鄭縣尉绝 游當進官宴客端席上賦詩甚工一坐稱數錢起曰素 司馬郭峻尚昇平公主賢明抬納士類故端等多從懷 右唇李端趙州人大歷五年進士為校書郎卒官杭州 銅山許鑄錢起乃服主喜厚賜帛 為之請賦起姓端立獻一章云新開金将看調馬舊錫 李益詩一卷 李端司馬集三卷 3 即齊騎告志

凌籍士泉不能堪暴其獻濟詩不上望京樓之句以涉 右唐陸勢敬興也教嘉與人大歷八年進士中博學宏詞 齊名每作一篇樂工以路求取被聲歌供奉天子征人 此詩惜其放逸多矣 早行篇天下皆施之圖繪今集有從軍詩五十篇而無 怨望詔降秩俄復舊益少富詞藻長於歌詩與宗人賀 州劉濟辟從事憲宗雅聞其名召為集賢殿學士負才 陸贄奏議十二卷

改定四車全書 一 皆周盡人情書為帝言今盜徧天下宜痛自悔以感人 者謂與元戡難功雖爪牙宣力益贄有助馬舊有榜 **並心上從之故下制書雖武夫悍卒無不感動流涕議** 正進呈改從今名疑是衰諸集成此書 集五卷議論集三卷翰苑集十卷元祐中蘇子瞻乞校 人平章事發在奉天日下部書數百初如不經思速成 誠不各改過以言謝天下使臣持筆無所忌庶叛者 判拔萃科德宗初為翰林學士從奉天還為中書舍 都衛請書志 Ē

右磨王建也大歷十年進士為昭應縣丞大和中陝 右唐柳州與李端盧綸華相酬贈詩大歷問進士也 司馬尤長宫詞 以門下侍郎平章事出劍南節度八年復東政明年早 右唐武元衛伯倉也河南人建中四年進士元和三年 武元衛臨淮集二卷 柳 王建詩十卷 ·斯詩一卷

改定四車全書 監察御史掌制語出為資州刺史 官王叔文所惡貶汀州寧化尉元和初季吉甫知獎雅 出事還生翌日遇害舊有臨淮集七卷此其二也議者 夏夜作詩曰夜久喧暫息池臺唯月明無因駐清景日 右唇羊士铐也貞元元年推進士等順宗時為宣欽処 朝過盗害之元衡工五言詩好事者傳之被於管經當 謂唇世工詩宦達者惟高適宦達詩工者惟元衡 羊士諤詩一卷 17 即新請書志 壭

右唐楊巨源字景山河中人貞元五年第進士為張弘 右唐翅信陵貞元元年進士為舒州望江令卒 楊巨源詩一卷 剱信陵集一卷

情從事自秘書郎握太常博士遷禮部員外郎出為**鳳** 翔少尹復召除國子司業巨源在元和中詩韻不造

贈弘靖詩叙其家世云伊防無聞祖韋賢不到孫

體律務實用功頗深旦暮搖首微詠不輟年老成疾

次定四軍全書 龍虎榜云此集福州刺史李始孫蔡 舉進士自詹始與韓愈李觀李锋聯第皆天下選時號 絕其禄太和以官壽卒 人稱之年滿七十丐歸時宰惜其去以為其鄉少尹不 右唐歐陽詹行周也泉州人貞元八年進士終國子四 助教初聞人不肯比官及常夜為觀察使與學勘士 韓愈集四十卷集外文一卷 歐陽詹集十卷 **郑琦穑者志**

之旨若南人妄以柳宗元為羅池神而愈碑以實之李 賀父名晉肅不應進士而愈作諱辨又為毛顏傳幾 進中書舍人遷吏部侍郎為京兆尹與李紳不協紳 右磨韓愈退之也南陽人貞元八年進士界推 不近人情此文章之甚此終者新書稱愈三歲而孤 愈罷為兵部俄復舊劉的唐書稱愈恃才肆意墊孔 知讀書比長盡通六經百家學性明銳不說隨每言 自相如子長後作者不世出故深探本原卓然樹立 知制 孟 自 語 文

編之 次定四車全書 端如毛顏傳進學解之類皆有所師範云其集屢經名 成一家言造端置辭要為不襲蹈前人者議者謂舊史 襲前人亦未為知愈益愈之置辭字字悉有據依其造 謂愈文章甚此緣因不待辨而新史謂造端置解不蹈 右唐李絳深之也贊皇人貞元八年進士中宏詞補渭 人是正其訛舛絕少但編次殊失倫類有暇日者再宜 李絳論諫集七卷 你衛衛書志 圭

其甥夏侯孜所編大中史官將偕為序 度南蠻入冠為亂兵所害絳偉儀质以直道進退望冠 右唐李觀元賓也華之從子貞元八年進士中宏詞科 南尉六年進中書侍郎平章事太和初為山南西道節 議者以觀文未及愈老不休故擅名陸希聲大順中編 終太子校書郎題為文不襲前人時謂與韓愈相上下 一時賢不肖大分屢為讒邪所中平生論諫數十百事 李觀文編三卷外集二卷 き四四 次定四車全書 本於此 首為後集二卷頃年從父詹事公掌語命以四之日 右唐柳宗元子厚也後魏濟陰公某之裔貞元九年進 四日不學者開然以為非今觀集中亦當如此用乃知 雖愈窮老終不能加觀之辭觀後愈死亦不能速愈之 觀文為之序以為觀尚解故解勝理愈尚盾故理勝解 **质云其後蜀人趙昂又得其安邊書至晁錯論一十** 柳宗元集三十卷集外文一卷 9 即齊請書志

雅健似司馬子長崔蔡不足多云集中有御史周君 指授者文解皆有法世號 離 敏絕倫文章卓偉精緻既竄斥堙厄感鬱一寓諸文 **支宗實録皆載子諒彈牛仙客杖流瀼州** 司 士中博學宏詞科授校書郎終於 柳作天實時惧按此褐殊疎器舊唐書紀牛仙客傳 馬温公考異以此褐為周子諒褐實開元二十五年 騷數十篇讀者 悲惻在柳 Ŀ を四上 柳 柳 州進士走數千里從學 州韓愈評其文曰雄 柳 州刺史宗元少精 死監 Đ 碣 傲

詩晚節尤精白居易推為詩豪當言其詩在處應有神 請得易連州入為主客郎中復作游立都詩以紙權近 ここうる とはす 少工文章恃才而廢老年寡所合乃以文章自適素善 俄分司東都運賓客會昌時加檢校禮部尚書卒禹錫 都閱看花詩幾念當路出為播州刺史裴度以母老為 詞科貶朗州司馬元和十年召還欲任以南省郎作 右唐劉禹錫夢得也中山人貞元九年進士登博學 劉禹錫夢得集三十卷外集十卷 即南讀古志

忘形交為詩有理致然思苦滋幸觀論其詩曰高處在 金分四月日本 右唇孟郊東野也湖州人貞元十二年進士調溧陽尉 易為詩友號劉白雖詩文似少不及然能抗衡二人間 古無上平處下顧二謝云張籍論為貞曜先生集宋次 辟為興元祭謀卒郊少隱嵩山性介寡合韓愈一見為 信天下之奇才也 物護持禹錫早與柳宗元為文章之友稱劉柳晚與居 孟東野詩集十卷 叁四上

欠三日巨白 若體製不類者得五百十一篇而十聯句不與馬一贊 惠本十卷三百三十一篇别本五卷三百四十篇蜀人 道重編先時世傳汴吳鏤本五卷一百二十四篇周安 右唐吕温和叔也一字化光河中人貞元十四年進士 蹇濬用退之贈郊句纂咸池集二卷一百八十篇自餘 二書附於後郊集於是始有完書 不為編帙雜録之家家自異次道總拾遺逸摘去重複 吕温集十卷 1 即蕭請書志 壴

本也 生之書首過秦而首卿亦後其賦故斷自人文化成論 錫為編次其文序之云古之為書先立言而後體物賈 溫從梁肅為文章規摹左氏藻膽精富流輩推尚劉禹 以善幸執誼王叔文起家再命左拾遺同張薦使吐蕃 元和初使還累進知御史雜事再貶道州刺史徙銜 王諸葛武侯廟記為上篇今集先賦詩後雜文非禹錫 分にをノー 李躺集十八卷

議無所屈仕不得顯官佛鬱無所發從韓愈為文解致 書郎知制語會昌初終山南東道節度使翱性峭鯁論 右唇李劉習之凉武昭王之後貞元十四年進士詢校 之文章稱韓柳翔文雖解不迨韓而理過於柳 渾厚見推當時集皆雜文無歌詩前有蘇舜欽序云唐 子司業籍性狷急惟長於樂府多警句元和中與白樂 右唇張籍文昌也和州人贞元十五年登進士第終國 張籍詩集五卷 即廣請當志 麦

钦定四軍全書

昔人幾之然亦不足怪益詩賦或率爾之作故也今怨 著書垂世自謂當夢執升漆器隨仲尼南行其自負不 多減裂杜收之以能星為真龍王摩詰以去病為衛青 係之以赞云余書題其後曰世之詞人刻意文藻讀書 右晉劉總與評自古文章得失別其體製凡五十篇各 淺矣觀其論說篇籍稱論語以前經無論字六韜三論 天孟東野歌解天下宗之謂之元和體云集張泊編 文心雕 龍

豹		-			湖	经
钦定四原全書			-		過於王杜矣	人
10	•				E	部
华人	1				社	題
主	4				左	是
					~	後人追題是殊不知書有論道經那之言也其政界弘
F						イ
. 7						かか
						土
老耶四新						百古
卷四上卷四上						的
3						一一一一
志						如
	au - domina					红
						カシ
						17
						13
=	-					#
=	1					其
				2.5		顾
1						客
- 1	- 1		1			スム

那齊讀書志卷四上								The control of the co
----------	--	--	--	--	--	--	--	--

.

-- -

少之日年公野 国 欽定四庫全書 都齊讀書志卷四中 別集類中 白居易長慶集七十一卷 宋 晁公武 撰

嘗謂樂天進退以義風流高矣與劉禹錫游人謂之 集二十卷自為序紀又有續後集五卷今亡三卷矣子 白 然最工詩初頗以規與得失及其多更下偶俗好當時 عائه 士人爭傳雞林國賈相率為易一金在杭州自賴詩彙 而不陷 司黨中又與楊虞鄉為姻家而不陷斗李黨中嗚呼 世有如斯人之髣髴者乎獨集後載聞李崖州取二 諷諭間適感傷雜律四類前集五十卷有元稹序後 THE REPORT OF THE PERSON OF TH 入司馬黨中與元稹游人謂之元白而不 劉

たいりきんか 也 六年進士累遷客管經晷使政治稱最德宗賜中和詩 右唇戴叔偷幼公也潤州人為人温雅善舉止貞元十 以唐史改之崖州贬時樂天沒將踰年或曰浮屠某作 世以為禁代還請為道士未幾卒集有馬總序或題會 句其言淺俗似幸其禍敢者余固疑非樂天之語及 云唇史但云師事蕭顏士初不稱其能詩以時人少 戴叔倫述葉十卷外詩一卷書狀一卷 邓南請書志

當 無不貫綜自始學至老未曾一日去書其文雅正 書平章事德與三歲知變四聲四歲能賦詩積思經 元十五年 右 其詩骨氣縣弱改 唐權德與載之也泰州人未冠以文章稱諸儒 時公卿功德卓異者皆所銘 流自然可暴貞元元和 人人 權 德與集 知制語累官中書舍人元和五年以禮 五卷 1 間為結神 紀雖動止無外節 肕 儀其兩漢 部 軈 間 祈 縟

右唇符載字厚之歧襄人切有宏達之志隱居盧山聚 奉禮部為南昌軍副使繼辟西川章卓掌書記澤路都 書萬卷不為章句學自元中李異江西觀察為其材授 亡論世祖封不義侯議世多稱之云曾自纂制點集五 士美参謀恐協律郎監察御史元和中卒段文昌為墓 十卷楊憑為序令亡逸文集孫憲孫編次楊嗣復為序 符載集十四卷

火之刀是人上

志附於後集皆雜文末篇有數詩而已集前有崔郡王

那衛清高志

监察御史貞元中改河南士曹掾選殿中侍御史漳州 刺史居七年坐公界受劾吏議侵誣感疾率權德與為 右唐張登性剛潔介特始以中褐就群歷衛佐廷尉平 集詩殿之外書於序述能記銘誄合一百二十二篇今 之序甚詳以公幹景陽比之國史補亦稱登長於小賦 湖送符處士歸與序皆云載蜀人以比司 馬王楊云 宏而密間不容髮有繳成隱起結緣嚴金之狀其舊 張登集六卷

清暢遲明訪之乃呈也即延為幕賓後因飲席調其侍 存者纔六十餘首 右唐元稹微之也河南人耀明經書判入等投校書郎 右唐我呈撰初李豪廉察桂林月夜聞隣居吟咏之音 句又為衛伯玉荆南從事後歷辰處二州刺史 兒養做知其意即贈之呈感作賦詩有恩合死前酬之 找昱集二卷 元稹長慶集六十卷

又小刀上人的

那南南南志

號元和體往往搖樂府移宗在東宮如嬪近習誦之宮 知制站未幾入翰林為中書合人及旨學士長慶二年 元和初舉制科對策第一拜左拾遺在江陵與監軍崔 時有長慶集百卷令亡其四十卷 中呼元才子及知制治愛的書體務純厚明切威傳 拜同中書門下平章事鎮為文此於詩與白居易齊名 潭峻善潭峻以稹歌诗奏御移宗賞悦即以祠部郎中 皇甫是文六卷

永之四車全書 四 笑曰不羈之才也從而酬之令集雜文三十八篇而已 右唐皇甫没持正也陸州人元和元年進士仕至工部 集序未當許人令碑字三千一字三練何遇我薄耶度 飲援筆立就度贈車馬網線甚厚是怒曰否自為顧况 郎中裴度辟東都判官度修福先寺求碑文於白居易 况集序在馬而砰已亡矣 是然日近舍是而遠取居易請從此解度謝之是即酣 李伸追告遊三卷 即亦精考志

李德裕元稹同時號三俊追昔遊者益城詩紀其平生 侍郎平章事師為人起小精悍於詩最有名號短李 止高安移九江過鍾陵守滌陽轉壽春留洛陽廉會稽 所遊歷謂起梁漢歸諫署升翰苑及猶越荆楚逾獨婚 務宗名為翰林學士累進中書舍人武宗即位拜中 右唐李紳公垂也潤州人元和元年進士補國子助 分務東周守蜀鎮梁也開成戊午八月自為之序 STATE OF THE PARTY 鮑溶诗一卷

次之の重な書 辟掌書記為秘書省正字長慶初補機陽尉四年為福 祭謀貞元初召為拾遺不就 博識清度雅正萬古衆才無不備具云 右唐沈亞之字下賢長安人元和十年進士涇原李東 右唐鮑溶德源元和四年進士張薦謂溶詩氣力宏瞻 做字長通襄陽人隱居則溪嗣曹王 與近西群節 沈亞之集八卷 朱傲詩一卷 那齊前書志

捘 右唐姚合也崇曾孫以詩聞元和十一年李逢吉知舉 詩亦當時名輩所稱許云 和三年相看宣慰德州取為判官者罷亞之敗南康尉 建 終郢州據正之以文詞得名狂躁貪胃輔者為恶故 都 士歷武功主簿富平萬年尉寶應中監察殿中御 於取常遊韓愈門李賀杜收李商隱俱有擬沈下賢 團練副使事徐晦後累進級中丞御史內供奉 姚合詩十卷

之序 功云 大大給事中陝號觀察使開成未終秘書監世號姚武 文 A DIE LIAMS 右唇施肩吾具與人元和十五年進士以洪州西山十 二真君羽化之地慕其真風高蹈於此輯其所著自為 ,部員外郎出金杭二州刺史為刑户二部郎中諫 施有吾西山集五卷 孕賀集四卷外集一卷 即前該書志

萬年二十七終協律郎賀解尚奇能為詩未始先立題 美家姚錐頗遊載文粹中 為雲部工合之經管云或就賀既卒後為不相忧者盡 間之過其家使抵持援筆軌就自目曰高軒過二人大 右磨李賀长吉也鄭王之孫七成能解章韓愈皇南是 所得皆善邁遠去筆墨畦選當時無能刻者樂府十数 取其所著投園中以改世傳者不多外集予得之祭子 盧公诗一卷

韓愈門作冰柱雪車二時出盧全孕賀右婦齊魯不知 黨愈稱其工後死于甘露之禍 次 己の事会等 愈為河南令愛其詩厚禮之當作月蝕詩以機元和逆 右唇盧全范陽人隱少室山號玉川子鐵陳議不起雜 所終今集二十餘篇爾不載二詩 右唐劉义也少當任俠殺人後更折節讀書善歌詩客 劉义詩一卷 斷金集一卷 都齊情舊志 229

序 古卒楚編次之得六十餘篇裴夷直名曰斷金集為之 有奇節敢論引大事指陳利病為詩情致豪邁人號 昌中以考功郎中知制語終中書舍人收善屬文剛直 右唐杜牧收之也京北人太和二年進士復奉制科會 右唐字逢吉令狐楚自未第至贵廟所唱和詩也後逢 多少日月八二 杜以別南云臨死自為墓志悉杖所為文章其甥裴廷 收樊川集二十卷外集一卷 CTA

火之の見合馬 世傳本兩卷三百餘篇求訪二十年得沈氏曾氏本并 所若因以為名賀鑄本政云按軍自序集三卷五百篇 虞部員外陸郢二州刺史當分司於朱方丁卯問自編 平二令以病免超潤州司馬大中三年為監察御史歷 右唇許渾字用晦園師之後太和六年進士為當堂太 翰輯其葉編次為之後序獎川盡杜氏所居外集皆詩 10 許軍丁卯集二卷 那齊情書志

右唐雅陶國釣太和八年進士大中六年自國子毛詩 集完本五百篇皆在然止两卷唇藝文志亦言渾集 博士出刺簡州唐志集十卷今七其半 卷鑄稱三卷者誤也 取擬玄天竺集校正之共得四百五十四篇予近得軍 李商隐樊南甲集二十卷乙集二十卷又大集 雅陶詩五卷 两

又A.l Dant King 六體云 感人人謂其橫絕前後無傳者令樊南甲乙集皆四六 為集賢校理楚出汴滑與元皆表幕府補太學博士初 新纖點改舊史稱其與温庭筠段成式齊名時號三 說宋景文序傳中云滿怪則李商隱益以此詩五卷清 自為序即所謂繁縟者又有古賦及文共三卷辭旨怪 為文現邁奇古及從楚學儷偶長短而繁奏過之首能 右唐李商隱義山也雕西人開成二年進士令狐楚奏 那新請書志

既冠卓帶有天節不喜與諸生試有司憲宗時以養補 年卒德裕性孤峭明辨有風采善為大章雖在大位手 平澤路策功拜太尉封衛公大中貶崖州司户恭軍 書舍人召兵部尚書中書門下平章事會昌初復東政 校書郎移宗初雅翰林學士號令大典皆出于手進中 右唐等德裕文號也趙郡人宰相吉甫之子少力于學 詩一卷窮愁志三卷别集八卷别友賦一卷 李德裕會昌一品集二十卷姑臧集五卷平泉

若又有古賦一卷載金松等四賦 熙斯朝貢傳與八詩別集乃夜合古賦平泉詩集外雜 為已任時王室幾中與馬一品集鄭亞為之序皆會昌 たとりはしたの 制語表狀外內冊贊碑序文也賦詩四首窮愁志乃崖 不去書謀議接方衰衰可喜為武宗知常以經綸天下 右唐劉符仁公主之子長處中以持名五言清瑩獨步 所撰姑臧集題段全緯纂上四卷亦制語第五乃戛 劉得仁詩集一秋一卷 那奇请苦志

落墳上生侍一枝宽始銷 右唐四庫書目有綺莊集十卷今所餘止四卷詩三十 **吊之日忍告為時身到此水观雪魄已難招直教挂子** 故稀翻令净藏者不許九霄飛及卒詩僧棲白以絕 金少世屋全書 十年竟無所成當有寄所知詩云外族帝王足中朝 文場自開成後昆弟皆居顯仕獨自告於詩舉進士二 故状四十四而己情其散落大半其本乃南唐故物 劉綺莊歌詩四卷

とこうことに 足沙捉避路人鐸作相逢又有詩云昨日鴻毛萬釣重 而逢大藝最優收作相逢有詩云谁知金印朝天客同 逢持論無切以謀各高自標顯與楊收王鐸同年登第 右故唐薛逢陶臣也河東人會昌元年進士終私書監 今朝山岳一毫輕二人 皆怒故不見齒 紙墨甚精後題口昇平四年重題印其文云云 薛逢歌诗二卷 败集五卷 那府務書志

其早秋詩云殘星幾點為横塞長笛一聲人倚接因謂 校書郎調消南尉知制語中書舍人乾符四年以本官 多元四年全世 右唇趙報承祐也會昌二年進士終渭南尉杜紫微讀 然太子少保葉草皆乾存堂判初語云 右唐鄭政台文也荣陽人會昌二年進士書判入等授 同中書門下平章事二年召復秉政至成都以病不拜 趙嘏渭南詩三卷

表署觀察判官歷御史都官刑部員外部福徒西蜀奏 書判中選補盤屋尉碎太原陝號河陽從事李福鎮滑 右唇盖達字叔之平昌人會昌五年陳商下及第 中俄利同州京兆尹温漳販命權知尹事出帥成化入 右唐薛能字大批汾州人會昌六年登進士第大中未 以自副成通中攝嘉州刺史追朝還主客度支刑部 薛能詩十卷 孟達詩一卷 布前衛石品

屬索凝雅拜新進士或問其故曰與渠銷弭灾咎云 恣舊仍傲依輕以忤物及為藩鎮尤易武吏皆命其子 絕私揭癖於詩日賦一章晚節感浮居法奉之唯謹然 皮乘眾疑怒逐能據城自稱留後因居其家能政嚴察 卸定四庫全書 右唐李郢楚望也大中十年進士詩調清麗居餘杭疎 水經許能以軍懷舊惠館之城中許軍懼見襲大將周 工部尚書復節度徐州徒忠武廣明元年徐軍成殿 李郢端公詩一卷

趙 右唐劉常字蘊靈大中八年進士詩頗清麗句法絕類 於聽說為落鎮從事兼侍御史 闕為詩百韻紀明皇時事自有序云 右唐鄭場字賓先大中五年進士津陽即華清官之外 般 鄭嶋津陽門詩一卷 孫 劉治诗一卷 旗經綠集三卷 即指南書志

銀定四庫全書 自適詩筆妍麗才力適健好吹笙弄筆翰親友强赴舉 右唐李羣玉文山也澧州人曠逸不樂仕進專以吟詠 有會関之行前進士司空圖有黨由之風旗有楊馬之 文遂輯所著名經解集 收職授職方員外郎時記書曰行在三絕以常侍李騰 右唇孫旗字隱之大中九年進士廣明初狂冤犯闕赴 一上而止裴休廉察湖南延郡中大中八年來京師 THE RESERVE OF THE PARTY OF THE 李奉玉詩一卷

善其詩當贈之詩曰何人得似張公子千首詩輕萬户 右唐張枯承吉清河人樂高尚客淮南杜收為度支使 表并除官制廣記所載黃陵廟事甚異絕句在馬 詩三百篇体復論為發弘文館校書郎集後附其進詩 侯皆作准許有人生只合揚州死禪智山光好墓田之 句大中中果終丹陽應舍人以為識云 張祜許一卷 陶集二卷 Ą 那奇情南志

敏定此庫全書 石唇温庭筠也庭筠本名岐字飛即宰相彦博之商詩 教布衣云江南野史有傳 右唐陳尚嵩伯也都防人大中時隱洪州西山自號三 作詩賜官人句有金步搖造場中對之庭筠對以玉跳 一部為行塵雜由是累年不第終國子助教宣宗當 戚清麗與李商隱齊名時號温李能逐經收之音為側 脱上喜其敏欲用之而當作詩作時相令狐綯終弃不 温庭筠金坐集七卷外集一卷

えこうしている 成年居州里所編自序云發篋次顏文葉繁如數澤 為異戚中城竟為藏大疑其歲已遂害之集乃成通 内 為著作佐部太常博士乾符喪亂東出關為毗陵副使 醉吟先生以文章自負尤善箴銘咸通八年登進士第 右唐次日休字襲美一字逸少襄陽人隱處門山自號 以名之凡二百篇 皮日休文數十卷 你府衛書志

中條山自號知非子耐辱居士集自為序以濯纓亭 黃巢陷長安僖宗次鳳翔召拜知制語中書舍人朱温 聲花院靜幡影石堰高之句為得之人以其言為然 鳴總名其集子荷別為集後記最長於詩其論詩有曰 將篡名為禮部尚書不赴聞哀帝遇殺不食而卒圖 右唇司空圖表聖也河中人咸通十一年王凝下及第 梅止於酸而鹽止於鹹其美常在酸鹹之外謂其詩 可空胸一鳴集三十卷 KAND Lat dikin 温庭筠故格體類之世稱耳闻明主提三尺眼見愚民 害敗漢中據與元楊守亮留若判官還副使閱歷刺史 重禁表河中從事歷節度副使晉絳二州刺史重禁遇 右唇唇污谦茂業也并州人威通末舉進士第中和王 卒彦謙才高負氣無所雅屈博學多藝尤能七言詩師 一杯益彦謙句也自號應門先生有薛廷珪序 曹唐詩一卷 唇珍谦鹿門詩一卷 即有清言志

賜進士第編入春勝 右唐泰翰玉中明京兆人有詞蘇工歌吟於而好進為 笑今集中不見然心詩及神仙者尚多 田令政所善僖宗幸尚令孜引為工部侍郎中和二年 卒作遊仙詩百餘篇或前之曰堯賓皆作思詩唐曰何 也井底有天春寂寂人間無路月茫茫非鬼而何唐 右唐曹唐字堯賓桂州人初為道士成通中為府從事 秦韜玉投知小録三卷

右唐陸龜蒙魯堂也蘇州人少禹放通六經大義尤明 右唐鄭谷字守愚宜陽人光改三年推高第遷右拾遺 理而格韻凡很語句浮但不就不為議者所多然一時 縮者以其危從華山觀居所編次云谷詩屬思願切於 傳風號鄭都官而明名也 歷都官即中乾寧四年歸 宜春卒於别墅其集號雲臺 陸龜蒙笠澤叢書四卷 雲臺編三卷宜陽外編一卷

とこのことで

可商清書志

遇體中不甚贏耗時亦愿凡者書詩賦銘記往往雅發澤者松江地名也其自序云自究符六年春即病笠澤 右唐韓惟致光也京此人龍紀元年進士界遷諫議大 以大章自怕自號江湖散人或號天隨子南里先生笠 春秋舉進士一不中從張轉為蘇湖從事居松江前里 不類不次混而録之故曰叢書 翰林學士的宗幸鳳朔遊兵部侍郎永旨朱全忠怒 韓促詩二卷香益集

集一卷或日和凝既贵惡其側艷改說稱怪著云 右唐字洞撰字才江諸王之孫暴賈島為詩銅鑄其像 的宗時不第遊蜀卒 事之如神詩人多前其僻脏不贵其奇哨唯具融稱之 **此濮州司馬樂懿尉天祐初挈族依王審知而卒香奩** 及此可良 · 右唐社前鹤池州人大顺二年進士善為詞句切理宣 李洞詩一卷 杜荀鹤唐風集十卷 即南方書志

右唇孫邻字希韓四明人乾寧四年進士好尚楊孟之 右唐程晏字晏然乾寧二年進士集皆雜文 外恃勢侮易稱鄉衆怒欲殺之而未及天祐初病卒有 顧雲序尚鹤自號九華山人 州田頹重之當以殷問至梁祖薦為翰林學士主客員 書慕韓愈為校書郎河南府文學舊四十卷 程安集六卷 孫邱文蔡一卷

議大夫平章事 嚴士得幸禁中言亦有經濟才帝幸石門名對即拜諫 右唐朱抃襄陽人以三火奉為判門令乾寧中方士許 右唇曹松夢改也舒州人學賈島為詩天後元年與王 曹松詩一卷 朱抃致理書一卷

火九日草を町

希别劉泉柯宗鄭希顏同登第年皆七十餘號五老勝

時以新平內難聞放進士喜特勒授校書郎而卒

那奇清言志

者悲之 歌常為副我屬意副我聘隣道此清紅兒歌贈經孝恭 郭齊名時號三羅從鄜州李孝恭籍中有杜紅兒者善 右磨羅則也皇朝方性夫注則詞藻富瞻與其族人隱 右唇浆說撰天祐三年進士詩有避亂一身多之句讀 金グレムと言 不令受之虬松拂衣而起詰旦手刀之既而追其宽作 羅虬比紅兒詩一卷 裴說詩一卷

スローシー から 毅有詩名一見干器之換以詩律其貌随人竟缺而喜 右唐方干字雄飛敢人唐末奉進士不第隐鏡湖上 凌侮當調庫師誤三拜人號方三拜將為于朝而卒門 絕句詩百篇借古人以比其艷盛行於時 玄英先生傳附 人益玄英先生其男粉介孫邵編水王贊為序部又為 方干持集一卷 王德與詩一卷 那府精書志

右晉熊繳後唇清泰二年進士為延安劉景嚴從事天 福中武景嚴歸朝雅石司諫坐累點上律令集有陶穀 莊杜光庭貫体詩唐末三人皆在蜀疑其同時避亂當 銀好四月至言 右唇沈彬保大中以尚書郎致住居高安集中有與幸 入蜀云上李昇山水圖詩在馬 右唐王德與集有次韻和鄭畋詩知其懿德間人也 熊繳居龍集五卷 沈彬詩一卷

序陳流賞歐早梅云一夜欲開盡百花猶未知曰太如 右偽具沈顏字可轉傳師之孫天復初進士為校書郎 てこりまんかり 淡不樂世利嘗病當時文章浮靡做古著書百篇取元 皆臻妙場中語曰下水船言為文敏速無不載也性閉 部即中知制浩翰林學士順義中卒顏少有詞藻琴恭 屬亂雜奔湖南辟巡官吳國建為淮南巡官禮儀使兵 容德於是乎在 沈颜聲書十卷 那孫尚書志

封違命侯太平與國三年終雕西郡公贈吳王江隣 書畫知音律建隆三年嗣偽位閉實八年王師克金陵 多方以母白言 右 次 雜志云為秦王延美所毒而卒 其夸誕如此 千餘年經百千儒者成未有間馬天厭其極付在鄙子 偽唐主字煜重光也璟之子少聰悟喜讀書屬文工 山聲史之說附已志而名書其自序云自盖軻以 李煜集十卷 1 卷四 後

九八日年公馬 華侈妖樂四十餘人不加檢束時人比徐之才環欲倚 陳覺點和州司馬後名中書舍人累遷兵部尚書第宅 虞部員外郎史館修撰兼太常博士知制語項之請該 車引道留為私書監俄復位已而其去故皆還上書 以為 江准字昇建國用為私書即使與其子環遊環嗣位為 偽唐韓熙載字叔言北海人後唐同光中進士南奔 相用是不果後左接右原子分司乃盡斥羣故軍 韓熙載格言五卷 郡萬讀書志

死人頗言張泊附之 佑性貞介文章聽逸尤長論議坐言事悸慢下獄自到 文館煜時為虞部員外即史館修撰知制語中書舍 右偽唐潘佑金陵人韓熙載薦於環授秘書正字直崇 淫縱然喜延譽後進如舒雅等後多相知諡曰文 古今之發名格言熙載天才後敏工肆書及畫聲名冠 一時自朱元叛後煜頗疑北人多因事殊之熙載愈益 潘佑紫陽集十卷

及己日上公馬 右偽唐李有中常為新塗令與水部即中五賓于善賓 **鐵也春日詩云乾坤一夕雨草本萬方春頗佳他皆稱** 中集中有贈韓張徐三舍人詩韓乃熙載張乃泊徐乃 右偽唐成彦雄江南進士有劉鉉序 于稱其詩如方干賣島之徒寄于晉天福中進士也有 李有中詩二卷 成彦雄梅頂集 那蠢滴离志

右偽蜀張嬪字象文清河人唐乾寧中進士為校書郎 を上げ 首獻行重之将名為知制治宋光嗣以其輕傲止賜 陽尉犀浦令建開國拜膳部員外郎後為金堂令王 聚落花爱之間之云嬪句給礼令以詩進嬪以二百 與徐后游大慈寺見壁間牆頭細雨垂纖草水面回 出黄河天外來之句為世所稱 而已賴生而類秀幼能為詩作登單于臺有白日地 THE PERSON OF TH 張嬪詩一卷 白

右偽蜀牛轎字延峰龍西人唐相僧孺之後博學有文 右偽蜀章莊字端已仕王建至吏部侍郎平章事集乃 鎮西川辟判官及開國拜給事中卒集本三十卷自序 以歌詩者名乾符五年進士歷拾遺補闕尚書郎王建 文この臣心ち 湯 其弟為所編以所后即杜甫单堂舊此改名云偽史稱 云竊慕字長吉所為歌詩軌劾之 韋莊院花集五卷 牛幡歌詩三卷 郡前讀書志

雷滿群滿敗歸王建及替號授水部員外郎累遷給 莊有集二十卷令止存此 金万四周百百 右杭越羅隱字的陳餘杭人唐乾符中舉進士不第於 中卒官終刑部侍郎延讓師薛能詩不尚奇巧人多說 右偽蜀盧延讓子善也范陽人唇光化元年進士朗陵 其茂俗獨吳融以其不蹈襲大奇之 THE PERSON NAMED IN COLUMN TWO IS NOT THE OWNER. 盧延讓詩十卷 羅隐甲乙集十卷歲書五卷

**** 東定四車全書 威推為叔父表薦給事中卒隱少聰明作詩者文以譏 右判南孫光憲字孟文陵州人王行降唐避地判南從 使奏投司熟郎中梁祖以陳議大夫名不行親博羅紹 事諸鎮皆無合久而歸錢錫辟掌書記歷節度判官副 薛辟掌書記歷檢校私書監御史大夫王師收閱州 刺為主自號江東生其集皆自為序 勸其主獻三州地乾德中終黃州刺史自號係光子 孫光憲翠湖編玩三卷 那有清書志

思自云速則意思壯敏緩則體勢疎慢云集有陳彭年 雞 北院掌文翰字异時知制語環煜時累官為翰林學士 右偽唐孫錐字馬臣廣陵人任楊溥為秘書郎直宣徽 以冷氣入腹而卒錐幼能屬文尤精小學為文未當沈 朝為直學士院給事中散騎常侍浮化初坐累無靜 軍司馬錢初至京師見御毛獨者縣西之が苦寒竟 徐銨集三十卷 及之日車全書 右唐字沙湖之弟也早從陳許辟一再謫官夷陵大和 無本後從韓愈遂去将屠 務滴是江主簿會昌初終告州司倉参軍島少為僧名 右唐贾岛浪仙也感顧人累舉進士不第文宗時坐飛 中為太學博士自號青溪子勒三詩附 買島長江集十卷 李涉歌詩一卷 于武陵诗一卷

乾德中獻之 德宗的録本納集賢院集前有于明序并贈畫上人詩 右唐于武陵大中進士 右唇僧貫休拱字德隱姓姜氏婺州人後入蜀號禪月 右唐僧敢然撰字清畫吳與人附軍運十世孫工篇 師初具融為之序其弟子曇域削去別為序引偽蜀 貫体禪月集三十卷 皎然行山集十卷

火之四草全書 四 右唇僧虚中也居玉笥山會以詩投司空國酬云十年 **鬚亡夜剃遺偽病中書大爱之因加以冠中為周賀云** 中姚合為杭州刺史因為書投弱合聞其哭僧詩云凍 右唇僧清塞字南即詩格清雅與買島無可齊名實歷 太華無知己只得虚中一首詩其見重如此 薛濤錦江集五卷 虚中碧雲詩一卷 清塞詩一卷 即看清書点 077

亦文妖也 右皇朝柳開字仲坐大名人開實六年進士太平與國 武元衡奏校書郎太和中卒李華云樂攻而工詩者高 右偽蜀馬鑑撰雜論為文體式評其誤谬以訓初學云 右唐薛濤洪度也西川樂坂工為詩當時人多與酬贈 シャルイ 别集類下 ALC: LANCE MARKET MANY CONTRACTOR 柳仲塗集一卷 修文要訣三卷

とこうら こう 引 復州團練副使居久之復官歷環が曹代所倉五州成 中上書願備邊用授崇儀使知寧邊軍徒全桂二州貶 能開聖道之釜也集乃門人張景所編歐公常推本朝 古文自仲塗始 柳宗元為文因名肩愈字船先既而易令名字自以為 平凶年終于京師開幼奇警有膽氣學必宗經慕韓愈 右皇朝胡旦字周父勘海人太平與國三年進士第 胡周父文集十卷 那商精言志

實晚節職貨多干擾州縣持吏短長時論尊之 議台後官再遷知制語程馬周上封事斥時政語連 荒姦音屏外之句太宗怒貶商州團練副使上平燕 多好四月至言 有大志力學以瞻博聞雅熙淳化問奏御之文為時推 謫 知海州上河平須先是盧多遜趙普龍頌有遊遜 防州園練副使後召知制計草王繼恩制詞溢美 州景德初以目病致住終秘書監為人傷辨强敏 **惩忠愍詩三卷**

人己日臣合馬 策立真宗為皇太子景德元年拜平章事契丹入短次 親征之策三年出知陝州大中祥符七年同平章事明 化五年参知政事切直上怒起軌狼衣留以侯處決定 右皇朝冠準字平叔華州人太平與國中登進士科淳 縣民擁道設祭立竹焚紙竹無根株剛月皆自生民 子監國因令楊億草制且進億以代丁謂語朝準被酒 年罷天禧三年復相真宗不豫皇后預政準白上請 漏言累取雷州司户徒衛州司馬卒後的許歸藍公安 即衛務書志

嘗封菜國公初為學善屬文光長詩什多得警句在 位論議也直不顧身謀仇邪媒藥既以謫死或又跨之 忧之集有难欲共二百四十首野水無人渡及江南 而不言曾聲明其不然曰準審如是丁謂拂須固足以 云在相位時與張齊賢相傾米能謂大書降乾祐準 其地立祠名其行曰冤公竹仁宗時贈中書令諡忠愍 二首皆在獨到海只十里之詩已亡其全篇矣 王元之小畜集三十卷 ACTOR CONTROL OF THE PARTY

及己可長公馬 四 件古取商州團練副使久之後名知制語入翰林為學 右皇朝王禹解字元之鉅野人家微賤九成能為歌詩 宗實録坐語涉輕誣出知黄州徒新州卒年四十八元 用舊典坐謗山左遷知滁州真宗即位復名掌語修太 **畢士安見而異之及長善屬文太平與國八年登進士** 之詞學敏膽獨步一時鋒銳氣属極談世事藏否人物 士孝章皇后前释官遷主第禹偁謂后當母樣天下當 洪初武文雅左司諫知制品判大理寺辨徐錐罪 却南清言志

於門下集自為序 進士調嘉州玉津令從太宗平晉獻頌上嘉之累禮翰 右皇朝宋白字素臣開封入年十二善屬文建隆二年 以直道自任改屢被擯斥喜稱獎後進當世名士多出 林學士卒祥符中諡文安白之文頗浮麗而理致或不 工典貢奉取王禹偁田錫胡旦時稱得人又名廣平集 宋文安集一百卷 **晁文元道院别集十五卷法藏碎金録一十卷**

A A

彭門幼從王禹俱學太平與國五年進士至道末雅 久己可且心言 数稱其長者楊億謂其所作書命得代言之體字獻臣 樂易淳回守道甚為雖貴勢無所推風當言歷官臨事 太子少保致任終少傅年八十四文元益也國史云公 右五世祖文元公也薛某字明遠澶州人自父始徒家 未曾挾情害人以售進保全護固如免髮膚之傷真宗 天禧中祈解近職判西京留司御史臺居六年請老以 正言直史館知制語入翰林為學士加承古春禮優厚 即看清書志

右皇朝楊您字大年建州人祖文逸曹夢一別人自稱 耶皆為世颇人集皆有自序及字遵弱後序 而晁氏繼之延譽後進其門人如宋宣獻晏元憲李郎 時軍推重自唐以來世掌語命者唯楊於陵及見其子 術數之說疑文滞義須质正後已文章典膽書法指 亦言公服膺項典看年不倦少過其人指導心要不喜 懷玉山人竟而您生白毛被體其長盈尺踰月始墮雍 楊文公刀筆集十卷

九二丁五 八十 博聞強記於恐代典章制度尤所該通時多取正樂道 悟自幼远老不離翰墨為文敏速對容談笑揮毫無帶 卿分司病愈起知汝州復為學士卒年四十七天性顏 六卷真宗即位累權知制品入翰林為學士祥符中母 禁林賜進士第久之直集賢院修永熙實録獨成五 十 秘書省正字宰相等賀侍神重淳化中奏二京賦命武 熙初以才名聞年幾十一名至闕下侍對面武詩賦投 病榜程謁告不侍報歸省俄自以病丐解官以太常少 那都街吉应

右皇朝張詠字復之濮州人太平與國初進士累雅至 肯 贈禮部尚書諡曰文刀筆集有陳站序凡三百六十三 **程密直學士御史中丞禮部尚書卒年七十少好擊劍** 之故屢被讒毀真宗爱其材特保持之僅免馬於祐中 王晦叔上其為冤相請皇太子親政疏草仁宗嘉歎持 入善後進愈然宗之然評品人物黑白太明姦邪疾恶 張乖崖集十卷

金万里月日

成並考至今人畏愛之錢易所撰墓誌字政所纂語録 致仕年八十二卒號知餘子益文惠竟佐屬解尚古不 附于後 兼通術数為文尚氣不事彫飾自號乖崖公知益州 副使修永定實録雅知制語歷部盧壽洛并同雅鄭、 右皇朝陳克佐字希元問州人端拱初進士累遷三司 州景祐四年召拜同中書門下平章事後以太子太師 陳文惠愚丘集二卷湖陽編一卷

とこりと たし 質

那衛衛馬志

金好四月全世 右皇朝丁間字公言初字謂之蘇州人淳化三年進士 同為王元之所稱時謂之孫丁集有丁謂序 浙轉運使副頗事背察幼篤學者古為文宗經與丁謂 右皇朝孫何字漢公蔡州人淳化三年應進士殿省俱 牽世用喜為二韻詩詞調清警永傷各集皆自有序 一四遷起居舍人知制許性下急當任京西東兩 SALES CONTRACTOR OF THE PARTY O 孫漢公集三十卷 丁骨公集四卷 是四

とこうころ 檢巧險放世鮮其衛大中祥符初議封禪未次謂因言 累遷知制語出知鄉亳昇三州天禧四年拜平章事俄 贬崖州司户更赦徒道州明道末以私書監召還卒於 以户部罷未幾復相封晉國公乾與中坐檀改永定陵 熙軍以前議者莫不指謂為姦邪之首自王安石用事 大計有餘議遂定當時所奏祥稿事皆謂及王欽若預 光州幼聰敬書經目軌記不忘善為古文章尤工詩 什 馬喜園畫博弈音律吳人自陸宣公後至開始相本朝 邓府尚者志

筠不奉的遂出知盧州再召為學士月餘以疾知 為人不的合學問閱博文章以理為宗解尚級密尤工 學士當草丁謂李迪罷利制既而又命革制復留丁 言直史館以司諫知制語出知節陳两州名入翰林為 右皇朝劉筠字子儀大名人成平元年進士三遷右 頗 国好四月至 三召入翰林加承首本幾進户部龍圖問學士再知廬 稱其賢智云集皆詩也 劉中山刀筆三卷肥川集四卷 祠

鑑序 大章 薦楊子滿朝空誦握愁詩後與宗跨同年第四人登 趙普判秦州辟為觀察推官卒 篇詠能体揣情状音調其麗自景德已來與楊億以 不第曾作握愁詞時人稱之李宗問贈詩云漢殿無 右皇朝鮮于壞字伯主閬中人文章為一時之冠累舉 齊名號為楊劉天下宗之刀筆集并肥川集有黃 鮮于伯圭集一卷 即齊清古志 卖

A STATE OF THE STA 范文正公歐陽文忠皆出其門女適富鄭公楊察世稱 **歷陳許雅洛以疾歸侍經席卒性剛收幼孤為學為文** 墓銘不言上處如所出及役共治產事四年能知顏 右皇朝晏殊字同叔臨川人景德三年張知白萬待台 温純應用尤長於詩抒情寫物解多曠達當世賢士如 權知制語翰林學士實元三年拜平章事坐與字宸犯 金定四年全書 賜同進士出身再武文雅秘書正字為异王府記室累 晏元憲臨川集三十卷紫微集一卷

2:17.1 /.LI 右皇朝范伊淹字希文其先邻人大中祥符八年進士 **圖旅宰相奪職知饒州歷潤越實元初知永與陝西經** 幼随母適朱氏名悅後後今姓名推右司諫爭廢郭 其知人云集有兩本一本自作序 經界招討使慶歷元年召拜樞密副使参知政事明 副使淫原卸取例降官知耀州幾月改環慶遷 出守睦蘇二州以名充天章問侍制知開封獻百官 范文正丹陽編八卷 那看該書志 四 后

蘇子蟾序 莊以賙給之天下想聞其風采賢士大夫以不獲登其 文章尤以傳道為任事母至孝姑蘇之范皆疎屬置義 文正為學明經術政暴古人事業慨然有康濟之志作 宣無河東陝西俄知邠州病清南陽徒杭青二州卒益 右皇朝种旅字明逸長安人隱終南之豹林谷咸平中 門為配獨梅堯臣當者碧雲殿一編以機成之云集 AND THE PERSON OF THE PERSON O 种明逸诗六卷 各四中

遣使召赴闕授左司諫累遷諫藏大夫給事中祥符 書及御製詩十首 娶無子集乃姪孫說所編范異為之序卷首載真宗 德歲其循點真宗乃出其歲十三篇以示輔臣晚年 佛書以製帷帳者嗣禹就在朝有所改奏時無知者 年終工部侍郎放通經史七歲能屬文不喜釋氏常裂 酒盛與服王嗣宗知京兆曾係上其不法治問状 17:21 ALT 仲先草堂集一卷鉅虎東觀集二卷 都奇情書志

者作改以東觀名集 序鉅鹿東觀集乃野之作子開集其父詩四百篇以贈 每往來剛唱把汾陰歲名不起卒贈著作郎集有薛田 樂天洞前立草堂為詩清苦句多警策與冠準王旦善 禁利隱于陝之東郊手植竹木統以流泉鑿上表大曰 右皇朝魏野字仲先陕州人志清逸以吟詠自娱亡懷 右皇朝潘関守逍遥大名人通易春秋光以詩知名太 潘逍遥诗三卷

真宗釋其罪以為滁州參軍後卒于泗上與王禹偁 恩下獄捕閱甚急久之弗得咸平初來京師尹收繁之 宗嘗召對賜進士第將官使之不就王繼恩與之善繼 夜原知有雨院静若無僧而不知 乃閱及日宿西禪院詩也小說中謂閱坐盧多遊黨當 其墓附于集蘇子膽少年時過一山院見壁上有詩曰 一捕水也 柳開親野交好最密集有祖無擇序錢易張達皆獨 那看清清点 何人詩令集載此 主 孫

銀定以庫全書 那齊讀書志卷四中